

玉機微義卷之十六

氣證門

○內經叙諸氣動為病

陰陽應象論云。喜怒傷氣。寒暑傷形。暴怒傷陰。暴喜傷陽。厥氣上行。滿脉去形。喜怒不節。寒暑過度。生乃不固。故重陰必陽。重陽必陰。

玉機真藏論云。憂喜悲恐怒。令不得以其次。故令人有大病矣。因而喜大虛。則腎氣乘矣。憂則心氣乘矣。怒則肝氣乘矣。悲則肺氣乘矣。恐則脾氣乘矣。舉痛論云。百病生於氣也。怒則氣上。喜則氣緩。悲則氣消。恐則氣下。寒則氣收。炅則氣泄。驚則氣亂。勞則

氣耗。思則氣結。九氣不同也。為病詳見本文。

○脉法

經曰。脉滑者多血少氣。○澁者少血多氣。○大者血氣俱多。○脉來大而堅者血氣俱實。○小者血氣俱少。○脉來細而緩者血氣俱虛。○代者氣衰。○細者氣少。○浮而絕者氣欲絕。○弦大而滑中有短氣。○尺脉濇而堅為血實。氣虛。○尺脉細而微者血氣俱不足。云云見本文。

劉立之脉理玄要曰。下手脉沉便知是氣沉。極則伏。濇弱難治。其或沉滑氣兼痰飲。

○論九氣動為諸證

子和云夫天地之氣常則安變則病而况人稟天地之氣五運迭侵於外七情交戰於中是以聖人畜氣如持至寶庸人投物而反傷太和此軒岐所以論諸痛皆因於氣百病皆生於氣遂有九氣不同之說氣本一也因所觸而爲九怒喜悲恐寒暑驚思勞也其言曰怒則氣逆甚則嘔血及飧泄故氣逆上矣王太僕曰怒則陽氣逆上而肝木乘脾故甚則嘔血及飧泄也喜則氣和志達榮衛通利故氣緩矣悲則心系急肺布葉舉而上焦不通榮衛不散熱氣在中故氣消矣恐則精却却則上焦閉閉則氣還還則下焦脹故氣不行矣太僕云恐則傷精却上而不下流下焦

陰氣亦迴還而不散故聚而脹也然上焦固禁下焦氣還故氣下行也寒則腠理閉氣不行故氣收矣太僕云身涼則衛氣沉故皮膚文理及滲泄之處皆閉密而氣不流行衛氣收斂于中而不散也足則腠理開榮衛通汗大出故氣泄矣太僕云人在陽則舒在陰則慘故熱則膚腠開發榮衛大通津液而汗大出也驚則心無所依神無所歸慮無所定或氣亂矣勞則喘息汗出內外皆越故氣耗矣太僕云疲勞役則氣奔速故喘息氣奔速則陽外發故汗出內外皆踰越於常紀故氣耗損也思則心有所存神有所歸正氣留而不行故氣結矣太僕云繫心不散故氣亦停

留。此素問之論九氣。其變甚詳。其理甚明。然論九氣所感之疾。則略。惟論嘔血及殮泄。餘皆不言。惟靈樞論思慮悲哀喜樂愁憂盛怒恐懼而言其病曰。心怵惕。思慮則傷神。神傷則恐懼自失。破胭脫肉。毛瘁色夭。死于冬。脾憂愁而不解。則傷意。意傷則恍亂。四肢不舉。毛瘁色夭。死于春。肝悲哀動中。則傷魂。魂傷則狂妄。不精。不精則不正。當人陰縮而攣筋。兩脇不舉。毛瘁色夭。死于秋。肺喜樂無極。則傷魄。魄傷則狂。狂者。意不存。人毛革焦。毛瘁色夭。死于夏。腎盛怒而不止。則傷志。志傷則喜忘。其前言。腰脊不可俛仰。屈伸。毛瘁色夭。死于季夏。恐懼不解。則傷精。精傷則骨痠。

痿厥。精時自下。是故五藏主藏精者也。不可傷。傷則失守而陰虛。虛則無氣。無氣則死矣。靈樞論神意。魂魄志精。疔主之病。然無寒暑驚勞四證。余以是推而廣之。怒氣疔至。爲嘔血。爲殮泄。爲煎厥。爲薄厥。爲陽厥。爲胸滿脇痛。食則氣逆而不下。爲喘渴煩心。爲消痺。爲肥氣。爲目暴盲耳暴閉筋縱。發於外。爲疽癰。喜氣疔至。爲笑不休。爲毛革焦。爲肉病。爲陽氣不收。甚則爲狂。悲氣疔至。爲陰縮。爲筋攣。爲肌痺。爲脉痿。男爲數洩。血女爲血崩。爲酸鼻辛頰。爲目昏。爲少氣。不能報息。爲泣。則臂麻。恐氣疔至。爲破胭脫肉。爲骨痠。痿厥。爲暴下。淥水。爲面熱。膚急。爲陰痿。爲懼而脫頤。

驚氣所至爲潮涎爲目瞿爲口吐爲癡癩爲不省人
爲僵仆久則爲病痺勞氣所至爲咽噎病爲喘促爲
嗽血爲腰痛骨痠爲肺鳴爲高骨壞爲陰痿爲唾血
爲冥視爲耳閉男爲少精女爲不月衰甚則潰潰乎
若壤都汨汨乎不可止思氣所至爲不眠爲嗜卧爲
昏瞽爲中痞三焦閉寒爲咽嗑不利爲膽瘴嘔苦爲
筋痿爲白淫爲得後與氣快然如衰爲不嗜食寒氣
所至爲上下所出水液云云見寒門 炁氣所至爲喘嘔吐
酸暴注下迫云云見火門 凡此九者內經有治法但以五
行相勝之理治之夫怒傷肝肝屬木怒則氣并於肝
而脾土受邪木太過則肝亦自病喜傷心心屬火喜

則氣并於心而肺金受邪火太過則心亦自病悲傷
肺肺屬金悲則氣并於肺而肝木受邪金太過則肺
亦自病恐傷腎腎屬水恐則氣并於腎而心火受邪
水太過則腎亦自病思傷脾脾屬土思則氣并於脾
而腎水受邪土太過則脾亦自病寒傷形形屬陰寒
勝熱則陽受病熱太過則陰亦自病炁傷氣氣屬陽
熱勝寒則陰受病熱太過則陽亦自病凡此七者更
相爲治故悲可以治怒以愴惻苦楚之言感之喜可
以治悲以謔浪褻狎之言娛之恐可以治喜以迫遽
死亡之言怖之怒可以治思以污辱欺罔之言觸之
思可以治恐以慮彼忘此之言奪之凡此五者必詭

詐譎恠無所不至。然後可以動人耳。目易人視聽。若胸中無材器之人。亦不能以此五法也。足可以治寒。寒可以治足。逸可以治勞。習可以治驚。經曰驚者平之。平謂平常也。夫驚以其忽然而遇之也。使習見習聞。則不驚矣。此九者內經自有是理。庸工廢而不行。今代劉河間治五志獨得言外之意。云云。見後。昔余治一書生勞苦太過。大便結燥。欬逆上氣。時喝喝然有音。唾嘔鮮血。以苦劑解毒湯加木香。漢防已煎服。時時啜之。復以木香檳榔丸泄其逆氣。不月餘而痊。余又嘗以平躍妓抵以治人之悲結者。又嘗以鍼下之時。使雜舞忽鼓笛。應之以治人之憂而心痛者。余嘗擊

拍門窓使其聲不絕。以治因驚而畏。響魂氣飛揚者。嘗治一婦人。名思而不眠。余日醉而不問。婦果呵怒。是夜困睡。又嘗以酸棗仁丸治人多憂者。然惟勞而氣耗。恐而氣奪者。爲難治。喜者少病。百脉舒和。故也。又聞莊先生者。治喜樂之極而病者。莊切其脉爲之。失聲佯曰。吾取藥去。數日更不來。病者悲泣。辭其親友曰。吾不久矣。莊知其將愈。慰之。詰其故。莊引素問曰。懼勝喜。可謂得玄關者也。

按此論九氣。肝動病機。至爲詳悉。然七情諸證。局方多用氣藥。論治固然。但不分其夾熱兼痰虛實之例。而於寒熱二證。亦似謂備於九氣。兼用氣藥。

而治之其弊甚矣。且夫七情諸證有乘逆厥中之殊。人有苦樂安擾之異。是以先哲就用五志相勝之理治之藥之。於傷寒溫暑自有其例也。後世俗不能本此。特之於藥而相勝之理不行。况其藥不熱即峻。虛虛實實不無差悞。故河間戴人者出論已上病機究所至之因。以平火為主兼五志相勝之理。或音樂抵戲甚至詭詐譎怪諸法。為治應變亦已至矣。我東垣丹溪先生更論諸氣為病有鬱痞逆滯不同。隨證用藥有寒熱溫涼之異。如勞氣者宜補中益氣滋陰助陽。或兼肝挾之邪。論治深備先哲旨趣。惜乎其道皆不能大行于世者。由局

方障之也

○氣中似風證論詳見中風門

○理氣宜導痰論詳見痰飲門

○氣屬陽動作火論

原病式曰氣為陽而主輕微。諸所動亂勞傷乃為陽火之化。神狂氣亂而為病熱者多矣。子和云河間治五志獨得言外之意。凡見喜怒哀悲恐思之證皆以平心火為主。至于勞者傷於動動便屬陽驚者駭于心。心便屬火。二者亦以平心火為主。今之醫者不達此旨遂有寒涼之謗。

謹按或云捍衛冲和不息之謂氣。擾亂妄動變常

謂火當其和平之時外護其表復行於裏周流
一身循環無端出入升降繼而有常源出中焦總
統於肺氣易嘗病於人也及其七情之交攻五志
之間發乖戾失常清者遽變之爲濁行者抑遏而
反止表失衛護而不和內失健悍而少降營運漸
遠肺失主持妄動不已五志厥陽之火起於焉上
燔於肺氣乃病焉何者氣本屬陽反勝則爲火矣
河間有曰五志過極皆爲火也何後世不本此議
而一槩類聚香辛燥熱之劑氣作寒治所據何理
且言指迷七氣湯製作者其皆用青皮陳皮三稜
蓬朮益智官桂甘藷遂爲平和可以常用通治七

情所傷混同一意未喻其藥以治其氣已下諸方
尤有甚焉者茲不復叙况所起之情各各不同且
夫經言九氣之變未嘗略而不詳如怒則氣上等
證以言治法高者抑之下者舉之寒者熱之熱者
寒之驚者平之勞者溫之結者散之喜者以恐勝
之悲者以喜勝之九氣之治各有分別何嘗混作
寒論瀉類以香熱之藥通言而治諸氣豈理之謂
歟香辛燥熱之劑但可劫滯氣衝快於一時以
其氣久抑滯借此暫行開發之意藥中不佐制伏
所起之氣服甚則增熾譬火蒸熏氣液而自成積
積滋其而痰一飲下膈氣乃氤氳清虛之象若

霧露之著物雖

日久安有氣實

所之俱之

力氣動而不散者乎。此皆人

太過香

久相沿而化卒莫能救升發

口

能得氣歸原遂與蘇子降氣湯四磨湯

下

以香熱之無補養之性藉此果能生氣而補腎乎。

請熟詳之

夫濕痰甚者亦或當之初服未顯增變

由喜墜而愈進

形質弱者何以收效不悟肺受火

炎子氣亦弱降

令不行火無以制相扇而動本勢

空虛命絕如縷

積而深丹毒濟火一旦火氣在

散喘息奔急而死吁以有形丹石丸藥重墜無形

之氣其氣將何抵受隨而降之乎。譬以石投水。水故未嘗沉也。豈不亦歟。丹溪有曰。上升之氣自肝而出。中挾相火其熱為甚。自覺其冷非真冷也。火極似水積熱之甚。陽亢陰微故有此證。認假作真。似是之禍可勝言哉。內經雖云百病皆生於氣。以正氣受邪之不一也。今七情傷氣鬱結不舒痞悶壅塞發為諸病。當詳所起之因。滯於何經。上下部分臟氣之不同。隨經用藥。有寒熱溫涼之同異。若枳殼利肺氣。多服損胸中至高之氣。青皮瀉肝氣。多服損真氣。與夫木香之行中下焦氣。香附之快

滯氣陳皮之泄逆氣紫蘇之散表氣厚朴之瀉衛
氣檳榔之瀉至高之氣藿香之馨香上行胃氣沉
香之升降真氣腦麝之散真氣若此之類氣實所
宜其中有行散者有損泄者其過劑乎用之能却
氣之標而不能制氣之本豈可又佐以燥熱之藥
以火濟火混同謂治諸氣使之常服多服可乎氣
之與火一理而已動靜之變反化爲二氣作火論
治與病情相得丹溪發揮論之冷生氣者出於高
陽生之謬言也身非自受寒氣口食寒物而是論
寒者吾恐十之無一二也

○論局方用熱藥治諸氣之誤

丹溪曰治氣一門有曰治一切氣冷氣滯氣逆氣上
氣用安息香丸丁沉香丸蘇子丸勻氣散如
神丸集香丸白沉香散煨姜丸塩煎散七氣散温白
丸生氣湯悉用熱藥夫天地周流於人之一身以爲
生者氣也陽往則陰來陰往則陽來一升一降無有
窮已苟內不傷於七情外不感於六淫其爲氣也何
病之有今日滯氣逆氣上氣皆是肺受火邪氣得炎
上之化有升無降熏蒸清道甚而至於上焦不納中
焦不化下焦不滲遂展轉傳變爲嘔爲吐爲膈爲噎
爲痰爲飲爲翻胃爲吞酸夫治寒以熱治熱以寒此
正治之法也治熱用熱治寒用寒此反佐之法也詳

味前方既非正治又非反佐此愚之所以不能無疑也。觀其微意可表者汗之可下者利之滯者導之鬱者揚之熱者清之寒者溫之偏寒偏熱者反佐而行之挾濕者淡以滲之挾虛者補而養之何嘗例用辛香燥熱之劑以火濟火實實虛虛咎將誰執

○論氣無補法之誤

丹溪曰氣無補法俗論也痞悶壅塞似難於補不思正氣虛者由七情內傷六淫外侵飲食不節房勞致虛脾土之陰受傷轉運之官失職胃雖受穀不能運化故陽升陰降而成天地不交之否清濁相混邪何由行此等理宜補養却厚味斷妄想遠音樂無有不

安

謹按氣者本腑臟天真之原也。虛由七情及勞傷等因取致則正氣原氣不足也。故宜補之則氣實氣化病邪漸除。經曰虛則補之是也。此補者補其不足也。非為病邪陷下腑臟精氣已憊天真元氣已絕而施補乎。此等非虛也。非不足也。無補之法必矣。大抵世俗拘此止謂治病攻邪不審補虛養正之理實實虛虛悞人生命。蓋不思之甚矣。

氣證治法

○升散之劑

局方七氣湯治七情之氣鬱結于中心腹絞痛

人參 甘草炙 肉桂各一分 半夏錢一
 右咬咀水煎服

按此出太陽例寒則氣收宜辛散之甘緩之治氣虛寒鬱藥也

鹽煎散治一切冷氣攻冲胸脇刺痛不已及脾胃虛冷嘔吐泄瀉

砂仁 甘草炙 茯苓 草果
 肉豆蔻 川芎 茴香炒 澄茄
 麥蘖 檳榔 良姜 枳殼
 厚朴炒 陳皮 羌活 蒼朮各等分
 右咬咀每服四五錢入鹽些少煎

按此足太陽陽明太陰經藥也

木香流氣飲治諸氣痞塞不通胸膈膨脹面目虛浮四肢腫滿

半夏錢二 厚朴 青皮 紫蘇
 香附子 甘草各一錢 陳皮錢二 桂
 莢朮 丁皮 大腹皮 檳榔
 藿香 木香 草果各六分 木通八分
 麥門冬 白芷 茯苓 白朮
 木瓜 人參 石苜蒲各四分

右咬咀每服四五錢入姜棗煎服
 按此太陽例藥與已上方世俗多用之故收入然

類以香燥引寒者氣實者不可用

秘傳降氣湯治上盛下虛氣不升降頭目昏眩痰實
嘔逆胸膈不快

骨碎補 訶子 草果 五加皮

半夏 桔梗各半錢 桑白皮二錢 地骨皮

枳殼 陳皮 柴胡 甘草各一錢

右咬咀入姜水煎服

按此出少陽例然怒則氣上驚則氣亂意例宜求
諸此

易簡參蘇飲方見熱門

謹按天地六氣併人之氣分為病治例亦詳見各

門故當分治也

東垣升陽順氣湯治七情所傷及勞役飲食不節滿
悶短氣

升麻 柴胡 陳皮各一錢 半夏

人參各三錢 黃芪四錢 甘草 黃柏各半錢

當歸一錢 草豆蔻二錢 神麩炒一錢半

右咬咀每服半兩入姜煎

按此補劑也然恐則氣下宜求諸此

○攻下之劑

戴人木香檳榔九散滯氣胸腹脹滿實痞氣結痛

木香 檳榔 青皮 陳皮

廣木

枳殼

黃連

黃柏

大黃各半兩

牽牛

香附各二兩

右為末水丸梧子大每服五六十九煎水下量虛實與之

按此陽明例藥下熱之劑也

局方神保丸治諸積氣為痛

乾蝎七箇

木香

胡椒各二錢半

巴豆十箇去心皮別研取霜

右為末和勻湯化蒸餅丸如麻子大硃砂為衣每五七丸隨病氣例湯下

按此太陽例藥下寒之劑也

導氣丸宣壅導氣除脹滿利大腸

大黃四兩煨

胡椒四十粒

青皮

陳皮

蝎梢炒

茴香炒

乾薑炮

甘草炙各一兩

阿魏半錢用麩和炒

黑牽牛取頭末二兩

右為末水丸

御院方木香順氣丸治諸氣不和方見續聚門

按已上二方手足太陰足厥陰陽明經藥導滯之劑也

○調理之劑

局方沉香降氣湯治陰陽壅滯氣不升降胸膈痞悶噫醋吞酸

沉香四錢

砂仁兩半

甘草炙一兩二錢

香附子四兩

右為末每二錢入鹽少許湯調下

分心氣飲治一切氣留滯於胸膈之間不能流暢以致痞悶噎塞

木香

丁皮各二錢

人參

麥門冬

大腹皮

大腹子

桑白皮

草果

桔梗

厚朴

白朮各半兩

香附子

藿香

陳皮

紫蘇各一兩半

甘草炙兩

右咬咀每三錢入姜棗煎服

按此二方手足太陰陽明足少陰經藥也

大七氣湯治喜怒不節憂思兼并多生悲恐致臟氣

不平心腹脹滿

半夏五錢

白茯苓四錢

厚朴炒三錢

紫蘇二錢

右剉入姜煎服

按此足陽明手足太陰經藥也

紫沉通氣湯治三焦氣澁不能宣通腹脇脹大便澀

紫蘇

枳殼炒

陳皮

茯苓

甘草

檳榔各一兩

沉香

木香

麥門冬

五味子

桑白皮

黃芪

乾生薑

薄荷

枳實

荆芥穗各半兩

右咬咀每半兩水煎服

按此手太陰之劑也。世俗調理之劑而多雜峻劑之藥，故並略去。然此方有殺散意而不大燥烈，姑存之用者，自宜損益。按經云：氣血弱者不可服枳實，以其損氣也；氣血盛者不可服丁香，以其益氣也。於調理不可不分。

東垣木香順氣湯治濁氣在上則生腹脹。方見脹滿門

按此亦七情所致。濁陰之氣不降而為腹脹也。故出陽明承氣，惻然七氣之方，先哲亦未見分其異者。蓋氣之厥逆收緩久而鬱變病機不同，而亦不可不本其所因而治之也。

○補養之劑

東垣補中益氣湯治喜怒憂恐損傷元氣勞倦體怠

方見熱門

調中益氣湯。方見內傷門

按此二方治勞則氣耗宜益之也。出少陽例。

清暑益氣湯治暑傷元氣食少體倦。方見暑門

按此所謂是則氣泄宜益之也。

局方養氣丹

養正丹。方並見和劑

按已上方治元陽虧損氣短身羸氣不升降食少脉弱陰陽之氣下陷者甚捷。然不可盡劑也。論見

補虛門

○消導之劑

局方異香散治胃氣不和腹脇膨脹飲食難化一切冷氣結聚

石蓮肉一兩

莪朮

三稜

益智仁

甘草炙各六兩

青皮

陳皮

厚朴劑炙各二兩

右為末每服三二錢薑棗煎服

按本方云治腎氣不和腎字為胃字之悞爾出陽

明例藥

御藥院方助氣丸方見續

分氣丸治胸膈氣痞痰實不化並宜服之

砂仁

青皮

陳皮

白豆蔻

三稜炮

莪朮煨

草澄茄

蘿蔔子炒

枳實

木香各一兩

黑牽牛炒二兩取頭末

右為末糊丸如梧子大每五十九薑湯下

按已上諸方治氣積痞之劑非調理比也宜分虛實寒熱用之又皆氣中之血藥也

○治痰之劑

二陳湯

桔梗半夏湯

因七湯並見痰飲門

蘇子降氣湯方見效門

按此諸方散鬱和中之藥也

○理血之劑

本事方槐角散

濟生歸脾湯

拔萃門冬飲子並見血證門

按氣病血從已見前論故錄已上方以備其例用者自宜推格之

○宣劑

稀涎散

元戎勝金丸並見痰飲門

謹按諸氣鬱或七情所滯最宜宜導正木鬱達之之意也。大抵是證中夾火熱者多已上諸方恐未合宜用者自臨時通變可也

○通關竅之劑

局方蘇合香丸治氣中或卒暴氣逆心痛鬼魅惡氣

沉香 麝香 訶子 丁香

青木香 安息香 香附 草撥

白朮 白檀各二兩 薰陸香 蘇合油

龍腦各一兩 硃砂 烏犀角各製

右為末入研極勻用安息香膏并煉蜜丸如梧桐子大溫水化四丸

按此手足太陽足陽明手足太陰足三陰藥也

○雜方

嚴氏四磨湯治七情傷感上氣喘息妨悶不食

人參

檳榔

沉香

天台烏藥

右四味各濃磨水和作七分煎三五沸溫服

絳珠正氣天香湯治一切上氣湊心心胸築痛方見婦人

門

玉機微義卷之十七

血證門

○諸經叙血證所因

內經厥論云陽明厥逆喘欬身熱善驚衄吐血○溫
 滂汗出鼻衄○生氣通天論云陽氣者大怒則形氣
 絕而血菀於上○氣厥論云脾移熱於肝則為驚衄
 胞移熱於膀胱則癰溺血○舉痛論云怒則氣逆甚
 則嘔血故氣上矣○陰陽別論云結陰者便血云云見下
 鍼經云厥氣生足悒悒生脛寒云云見精則後血見精○
 脈經云下血先見血後見便此近血也先見便後見
 血此遠血也

○脈法

內經云脈來懸鉤為衄血常脈脈至而搏血衄身熱
 者死○腸癖下膿血脈弦絕則死滑大則生○血溫
 身熱者死○脈經曰脈得諸澁濡弱為亡血○脈來
 輕輕在肌肉尺中自浮目精暈黃衄必未止○太陽
 脈大而浮必衄吐血○病人面無血色無寒熱脈沉
 沉也○脈浮弱手按之絕者下血○脈芤為失血
 ○瀆為少血○尺脈滑而疾為血虛○脈弦而緊脇
 痛臍傷有瘀血○吐血唾血脈滑小弱者生實大者
 死○唾血脈緊強者死滑者生○腎脈小搏沉為腸
 癖下血心肝癖亦下血

○論血證分三因

陳無擇云衄者因傷風寒暑濕流傳經絡湧泄如清氣道中而致者皆外所因積怒傷肝積憂傷肺煩思傷脾失志傷腎暴喜傷心皆能動血隨氣上溢清氣道中而致者屬內因飲酒過多啖炙燔辛熱或墜墮車馬傷損致者為不內外因○吐血者或因四氣停于外七情動于內及飲食房勞墜閃傷損致榮血留聚膈間滿則吐溢世謂妄行或吐瘀血此名內傷○便血或清或濁或鮮或黑或在便前便後或與泄物並下此由內外有所感傷凝停在胃隨氣下通亦妄行之類○尿血因心腎氣結肝致或憂勞房室過度

此得之虛寒不可專以血得熱而淨溢二者皆致尿血與淋不同

謹按衄血下血傷寒邪氣壅迫於經而致者故有之雜證見者多火熱肝致或吐溢於空竅皆五志肝動或陰分鬱熱或內外有肝傷而成有寒邪者少如尿血因房勞者實由精氣滑脫陰虛火動榮血妄行爾已上論為虛寒恐未必然也若便血清者屬榮虛有熱濁者屬熱與濕色鮮者屬火黑者火極與泄物並下屬有積或絡脉傷也並宜分治

○論下血為內傷絡脉肝致

詳見積聚門

○論衄唾血溢為逆氣肝致

東垣曰經云怒則氣逆甚則嘔血暴瘕內逆肝肺相搏血溢鼻口取天府穴。又足少陰腎之脉從腎上貫肝入肺中循喉嚨其病則飢不欲食面黑如地色咳唾則有血。夫氣者陽也血者陰也氣主响之血主濡之。今血妄行上出於鼻口者皆氣逆也。故經言陽明厥逆怒則氣逆暴瘕內逆者是也。

謹按悲氣勞氣等皆能致血證詳見氣門但怒氣致血證者則暴甚。故經曰抑怒以全陰者是矣。否則五志之火動甚火戴血上錯經妄行也。

○論衄吐血泄爲火熱所致
原病或曰衄者陽熱佛鬱于於足陽明而上熱則血

妄行鼻衄也。○血溢者上出也。心養於血故熱甚則血有餘而妄行。或謂嘔吐紫凝血爲寒者誤也。此非冷凝由熱甚銷燦以爲稠濁而熱甚則水化制之。故赤兼黑而爲紫也。○血泄熱客下焦而大小便血也。○衄瀦血汚血出也。汚者濁也。心火熱極則血有餘。熱氣上甚則爲血溢。熱勢亢極則燥而汚濁。害承乃制則色兼黑而爲紫也。

○論衄血下血爲傷寒所致

成無已曰傷寒衄者爲邪氣不得發散壅盛於經逼迫於血則因致衄也。桂枝湯麻黃湯治衄者非治衄也。即是發散經中邪氣爾。至畜血者血在下焦結住

而不行。畜積而不散者是也。血苑於上而吐血者謂之薄厥。留於下而瘀者謂之畜血。此由太陽隨經瘀熱在裏。血爲熱所搏結而不行。畜於下焦之所致。經曰太陽病七八日表證仍在。脈微而沉反不結胸。其人如狂者以熱在下焦。少腹當鞭滿小便自利者下血乃愈。

傷寒例少陰證下利便膿血者桃花湯以固脫散寒補正

許氏治少陰誤汗衄血及臍中出血用姜附湯治少陰之本

陰證畧例治三焦出血色紫不鮮此重沓寒濕化毒

凝泣浸漬而成。治要用黑錫丹

見直指方

按所論已上證皆寒邪之變病也。至又有甚者如論云服桂枝湯吐血其後必吐膿血。又厥陰證傷寒六七日大下後。十脈沉而遲。手足厥冷。下部脈不至咽喉不利唾膿血泄利不止者爲難治。宜麻黃升麻湯。火邪亦咽燥唾血陽毒亦吐血。皆變證之極者也。非衄證之比。大抵傷寒畜血下血爲傳變。故下血衄血身涼乃愈。其不傳變入裏。邪氣不得發散逼迫於血因致妄行於下者爲逆。下血必多不能止。爲難治也。

○論結陰便血

補生寶鑑云真定史十年四十二形體本瘦秋時因
勉強飲酸酒數杯少時腹痛次傳下利無度待十餘
日便後見血或紅或紫腹鳴時痛諸醫以爲血熱用
芍藥栢皮丸治之未效仍不欲飲食食則嘔酸形體
愈瘦面色青黃不澤心下痞惡冷物口乾時有煩躁
不得安卧診時脉弦細而微遲手足稍冷經曰結陰
者便血一升再結二升三結三升又邪在五臟則陰
脉不和陰脉不和則血留之結陰之病陰氣內結不
得外行無所稟滲入腸間故便血也外灸中脘三里
氣海等穴內服平胃地榆湯而愈

按此治例實內傷法也宜與積聚門叙積之始兼

看

○血屬陰難成易虧論

丹溪曰經云人年至四十陰氣自半而起居衰矣又
曰男子六十四而精絕女子四十九而經斷夫以陰
氣之成止供給三十年之運用已先虧矣入之情欲
無涯此難成易虧之陰氣若之何而可以縱欲也

謹按或曰經云榮者水穀之精也和調五臟洒陳
於六腑乃能入於脉也源源而來生化於脾總統
於心藏受於肝宣布於肺施泄於腎灌溉一身目
得之而能視耳得之而能聽手得之而能攝掌得
之而能握足得之而能步臍得之而能液腑得之

而能氣是以出入升降濡潤宣通者由此使然也。注之於脉。少則瀆。充則實。常以飲食日滋。故能陽生陰長。取汁變化而赤爲血也。生化旺則諸經恃此而長養。衰耗竭則百脉由此而空虛。可不謹養哉。故曰血者神氣也。持之則存。失之則亡。是知血盛則形盛。血弱則形衰。神靜則陰生。形役則陽亢。陽盛則陰必衰。又何言陽旺而生陰血也。蓋謂血氣之常。陰從乎陽。隨氣運行於內。苟無陰以羈束。則氣何以樹立。故其致病也。易調治也。難以其比陽常虧而又損之。則陽易亢。陰易乏之論。可以見矣。諸經有云。陽道實。陰道虛。陽道常饒。陰道常乏。

陽常有餘。陰常不足。以人之生也。年至十四經行。年至四十九而經斷。可見陰血之難成。易虧如此。陰氣一傷。所變之證。妄行於上。則吐衄。衰涸於外。則虛勞。志反於下。則便紅。移熱膀胱。則癰閉溺血。滲透腸間。則爲腸風。陰虛陽搏。則爲崩中。濕蒸熱瘀。則爲滯下。熱極腐化。則爲膿血。火極似水。血色紫黑。熱勝於陰。發爲瘡瘍。濕滯於血。則爲痛痒癩疹。凝澁皮膚。則爲冷痺。畜之在上。則人喜忘。畜之在下。則人喜狂。墮恐跌仆。則瘀惡內凝。若分部位。身半以上。同天之陽。身半以下。同地之陰。此特舉其所顯之證者。治血必血屬之藥。欲求血藥。其四

物之謂乎。河間謂隨證輔佐。謂之六合湯者。詳言之矣。余故陳其氣味專司之要。不可不察。夫川芎血中氣藥也。通肝經性味辛散。能行血滯於氣也。地黃血中血藥也。通腎經性味甘寒。能生真陰之虛也。當歸分三治。血中主藥也。通肝經性味辛溫。全用能活血各歸其經也。芍藥陰分藥也。通脾經性味酸寒。能和血治血虛腹痛也。若求陰藥之屬。必於此而取則焉。脾胃論有云。若善治者。隨經損益。摘其一二味之所宜。爲主治可也。此特論血病而求血藥之屬者也。若氣虛血弱。又當從長沙血虛以人參補之。陽旺則生陰血也。若四物者。獨能

主血分受傷爲氣不虛也。輔佐之屬。若桃仁紅花蘇木血竭牡丹皮者。血滯所宜。蒲黃阿膠地榆百草霜棕櫚灰者。血崩所宜。乳香沒藥五靈脂凌霄花者。血痛所宜。菴蓉瑣陽牛膝枸杞子益母草夏枯草敗龜板者。血虛所宜。乳酪血液之物。血燥所宜。乾薑桂者。血寒所宜。生地黃苦參血熱所宜。特取其正治大略耳。以能觸類而長。可謂應無窮之變矣。

○論治血證大法

東垣曰。傷寒家衄血者。仲景言不可發汗。蓋爲脈微也。若浮緊者。麻黃湯。浮緩者。桂枝湯。脈已微者。二藥

俱不可用。宜黃芩芍藥湯主之。雜病見血。多責其熱。如衄血出於肺。以犀角升麻梔子黃芩芍藥生地黃紫參丹參阿膠之類主之。咯唾血者出於腎。以天門冬麥門冬貝母知母桔梗百部黃栢遠志熟地黃之類主之。痰涎血者出於脾。葛根黃芪黃連芍藥當歸甘草沉香之類主之。嘔吐血出於胃也。實者犀角地黃湯主之。虛者小建中湯加黃連主之。血證上行或唾或嘔或吐皆逆也。若變而下行爲惡痢者順也。血上行爲逆其治難。下行為順其治易。故仲景云畜血證下血者當自愈也。與此意同。若無病之人忽然下痢其病進也。今病血證上行而復下行惡痢者其邪

欲去是知吉也。經曰諸見血身熱脉大者難治是火邪勝也。身涼脉靜者易治。是正氣復也。故脉訣云鼻衄吐血沉細宜忽然浮大即傾危此之謂也。

血證治法

婦室經血諸證詳見婦人門

○治風之劑

敗毒散治風熱流入大腸經下血不止。若因酒毒加

黃連

方見效門

按此出少陽例表裏藥也

本事方槐花散治腸風臟毒下血

槐花

炒

栢葉

許

荆芥穗

枳殼

各等分

右爲末每服二錢空心米飲送下

按華方結陰丹治腸風下血臟毒下血

枳殼炒

歲靈仙

黃芪

陳皮

椿根皮白

何首烏

荆芥穗各等分

右為末酒糊丸桐子大每五七十九米飲下入醋少許

按此二方手太陰陽明藥也

濟生加減四物湯治腸風下血不止

側柏葉

生地黃

當歸

川芎各一兩

枳殼

荆芥穗

槐花炒

甘草各半兩炙

右咬咀每四錢入烏梅姜同煎溫服

按此手足厥陰太陰藥也大抵此藥主補血涼血

而以風為虛象者蓋非風客於腸間也

東垣黃芪芍藥湯治衄多歲面黃眼澁多眵手麻

黃芪三兩

甘草炙二兩

升麻

葛根

白芍藥各一兩

羌活半兩

右咬咀每三錢水煎溫服

按此手足太陰陽明藥也然血虛久則陽亦虛矣

故血不足則麻木陰虛火動變證百出亦實非風也此出升陽滋陰例

○治寒之劑

東垣麻黃桂枝湯治感寒發衄脉微弱者

麻黃

黃芪

白芍藥

甘草各一錢

桂枝 當歸各半 人參四分 麥門冬三分

五味子五箇

右咬咀作一服水煎

按此太陽例藥也。傷寒論有例茲不詳錄

濟生斷紅丸治臟腑虛寒下血不止面色痿黃羸瘦

側柏葉炒 川續斷酒浸 鹿茸醋煮 附子炮

黃芪 阿膠炒 當歸各一兩 白礬枯二兩

右為末醋煮米糊丸如梧子大每七十丸空心米

飲送下

按此厥陰例藥也

寶鑑平胃地榆湯治結陰便血

白朮 陳皮 茯苓 厚朴

葛根各半 地榆七分 乾薑五分 炙甘草

當歸 炒神麴 白芍藥 人參

益智仁各三分 蒼朮 升麻 附子炮各一錢

右咬咀作一服水煎加姜棗

按此少陰例藥也

○治暑之劑

局方黃連香薷飲治伏暑純下鮮血方見暑門

按此手少陰足太陰藥心主血脾裹血也

枇杷葉散治暑毒攻心嘔吐鮮血

香薷二錢 厚朴半錢 甘草炙 麥門冬

乾木瓜 白茅根各一錢 枇杷葉 陳皮

丁香各半錢

右細末每二錢入姜煎

按此手足太陰經藥中熱者慎之

○治濕之劑

胃風湯治風濕乘虛入于腸胃下瘀血者方見滯下門

拔萃升陽和血湯治腸癖下血作流其血唧出有力

而遠射四散如篩春二月中下二行腹中大作痛

乃陽明氣衝熱毒所作也當去濕毒和血而愈

生地黄 牡丹皮 生甘草各半錢 炙甘草

黃芪各一錢 當歸身 熟地黄 蒼朮

玉機微義卷之十七

十一

秦艽 肉桂各三分 陳皮二分 升麻七分

白芍藥一錢半

右以咀作一服水煎

當歸和血散治腸癖濕毒下血

槐花 青皮各六分 當歸身 升麻各二錢

川芎四分 荆芥穗 熟地黄 白朮各六分

右為末每服三二錢米飲調下

按此諸方疎風勝濕藥也然濕熱者多宜從滯下

法擇用

○治熱之劑

局方龍腦鷄蘇丸治膈熱欬嗽或吐血衄血方見熱門

甘露飲治男女血妄流溢或吐或咯衄血齒齦臭出
面並治之方見熱門

簡易選奇黃芪散治歎血成勞

黃芪

麥明冬

熟地黄

桔梗

白芍藥

各半兩

甘草

四錢

右咬咀每服半兩水煎

按此手太陰足少陰藥也

濟生犀角地黄湯治鬱熱不解于經絡隨氣湧泄為
衄血或清道閉塞流入胃脘吐出清血如鼻衄吐
血不盡餘血停留致面色痿黃大便黑者並宜服

犀角

生地黄

白芍藥

牡丹皮

各等分

右咬咀每四錢水煎服

按此足大陰藥也

良方四生丸吐血衄血陽乘於陰血熱妄行宜此

生荷葉

生艾葉

生栢葉

生地黄

各等分

右爛研丸如雞子大每一丸水煎服或用鹽湯化

下

河間生地黄散治鬱熱衄血咯血吐血

枸杞

柴胡

黃連

地骨皮

天門冬

白芍藥

甘草

黃芩

黃芪

生地黄

熟地黄

各等分

右咬咀水煎服下血者加地榆

按此二方手足少陰太陰藥也

局方槐角丸治五腫腸風下血痔瘻脫肛下血並宜服之

槐角炒一兩

地榆

黃芩

當歸

防風

枳殼

麩炒各半斤○丹溪心法各半兩

右為末酒糊丸如梧子大每三四十九空心米飲下

按此雖有治風例而性味辛苦寒故從熱劑少陽藥也

秘方枳殼湯治便血下血

枳殼一兩麩炒

黃連

一兩以槐花四兩同炒去花不用

右二味水煎取濃食前溫服

按此又氣例藥也

○治火之劑

黃連解毒湯

大金花丸

方並見火門

○理氣之劑

三因茯苓補心湯治心氣虛耗不能藏血以致面色黃瘁五心煩熱欬嗽唾血

半夏

前胡

紫蘇

茯苓

人參

枳殼炒

桔梗

甘草

乾葛各半兩

當歸一兩三錢

川芎七錢五分

陳皮

白芍藥各二兩 熟地黄一兩

右咬咀每半兩入薑棗煎溫服

本事槐角散治腸胃不調脹滿下血

蒼朮 厚朴 陳皮 當歸

枳殼各一兩 槐角二兩 甘草 烏梅各半兩

右咬咀每五錢水煎服

按已上又氣血藥也然三因方雖云補劑而雜以發表之藥姑存之收入此理氣例

○補劑

濟生鷄蘇散治勞傷肺經嗜內有血咽喉不利

雞蘇葉 黃芪 生地黃 阿膠炒

貝母 白芩根各一兩 桔梗 麥門冬

蒲黃 甘草各半兩炒

右咬咀每四五錢入薑煎服

歸脾湯治思慮傷脾不能統攝心血以此致妄行或

吐血下血

白朮 茯苓 黃芪 龍眼肉

當歸 酸棗仁各一兩 人參五錢 木香二錢

甘草炙二錢五分

右咬咀每四五錢入棗薑煎服

東垣麥門冬飲子治吐血久不愈者

五味子十箇 麥門冬去心 黃芪各一錢

當歸身

人參

生地黄

各半錢

右咬咀水煎服

金匱赤豆當歸散治先血後糞此近血也

赤豆

浸出芽

當歸

各等分

右二味為散漿水調服

三因伏龍肝湯治先糞後血此遠血也

伏龍肝

半斤

甘草

炙

白朮

阿膠

黃芩

熟地黄

各三兩

右咬咀每四五錢水煎服

髮灰散治小便尿血或便前便後亦遠近之謂也

髮灰

右一味每二錢以米醋二合湯少許服并花水調

亦得

玉屑膏治尿血

黃芪

人參

各等分

右為末用蘿蔔大者切一指厚四五片蜜淹少時

蘸蜜炙乾盡蜜二兩為度勿令焦點藥末與不以

時仍以塩湯送下

按已上諸方平補藥也然病體亦有寒熱氣積等

因不同用者自宜求責

○止澁之劑

三因龍骨散治衄過多

龍骨不以多少研為末以少許吹入鼻中九九
竅出血皆可用

御藥院方麝香散治衄不止

白礬

粘

龍骨

粘舌者各另研半兩

麝香

半字

右拌勻每先將冷水洗淨鼻內然後用藥吹入孔
內或以濕紙蘸入尤妙

濟生烏梅丸治便血不止

烏梅三兩燒存性為末用好米醋打糊丸如梧
子大每七十九米飲下

經驗方治瀉血

百藥煎

一兩半兩燒為灰

右和飯丸如梧子大每三四十九空心米飲下或
作末服三二錢
又方乾柿燒灰米飲調下二三錢

○雜方

試効方治吐血不止以三稜針於氣衝出血立愈
鼻衄不止或素有熱而暴作諸藥無驗者

以紙一張作八牒或十牒於極冷水內濕過置
頂中不止仍以熱熨斗於濕紙上熨之立止

○灸法

便血不止宜灸等穴

勞官

手厥陰經

大白 足太陰經

會陽 足太陽經

三里 足陽明經

按血證宜灸等穴詳見資生等經茲不備錄然火熱脉盛實者非所宜也

○通利之劑

按萃犀角地黄湯治熱鬱血結上焦寸脉乳

生地黄 二兩

黃芩 半兩

黃連 兩

大黃 兩半

右咬咀每一兩水煎食後服之

桃仁承氣湯治血結胸中心下手不可近為中焦畜

血無寒熱胸滿漱水不欲嚥喜妄昏迷其人如狂

桃仁 兩半

大黃 兩一

甘草 半二錢

桂

芒硝 各三錢

右咬咀每兩入姜煎服

抵當湯治下部畜血即臍下手不可近或其人發狂

少腹滿硬小便自利大便反黑如狂者在中發狂

者在下也

大黃

水蛭 炒各半兩

蜚蠊 三錢去足

桃仁 三錢

右製每五錢水煎服如作丸煉蜜和之

當歸導滯湯治跌搏墮擊損傷血滯於中

大黃

當歸各錢分

右咬咀每一兩或半兩水煎服

按已上血諦證諸方也蓋畜血有上中下之分故藥亦隨而輕重之也至血熱血積陰虛等證例見各門茲不詳錄

○解鬱之劑

丹溪麩音戈細麩也鞠丸治血鬱

桃仁

香附子

紅花

撫芎

青黛各等分

右為末鞠丸每四三十九食前服按丹溪有香附川芎蒼朮神曲

梳子無桃仁紅花青黛